

Dod i Wrandawriad yn y Llys Gwarchod yn Llundain neu yn un o'n llysoedd rhanbarthol

Pwy gaiff fynychu gwrandawiadau?

Fel rheol, mae gwrandawiadau'r Llys Gwarchod yn cael eu cynnal yn breifat, oni nodir fel arall. Ond, gall pobl ar wahân i'r partïon sydd wedi'u gwahodd ac sydd am fynychu gwrandawriad wneud cais i'r Barnwr sy'n delio â'r mater. Gallwch wneud hyn gan ddefnyddio ein ffurflenni COP9 a COP24.

Ble bydd Gwrandawiadau'n cael eu cynnal?

Gall gwrandawiadau gael eu cynnal yn y Llys Gwarchod, First Avenue House, 42-49 High Holburn, Llundain WC1V 6NP neu yn un o'n canolfannau llys rhanbarthol yng Nghymru a Lloegr. Wrth ystyried y cais, bydd Barnwr yn rhoi cyfarwyddyd i drosglwyddo gwrandawriad i lys rhanbarthol (os yw hyn yn fwy cyfleus i'r holl bartïon) ac fe gysylltir â chi ynghylch hynny.

Mae gweithdrefnau'r llys i'w cael hefyd mewn nifer o Gyfarwyddiadau Ymarfer ac anogir ceiswyr lleig a phroffesiynol i ymgysylltu â'r rhain. Y Cyfarwyddyd Ymarfer sy'n berthnasol i wrandawiadau a fynychir yw Cyfarwyddyd Ymarfer 13A. Mae'r Cyfarwyddiadau Ymarfer ar gael yn www.judiciary.gov.uk. Gall y Llys hefyd roi copi ichi o Bolisi Rhestru'r Llys neu Gyfarwyddyd Ymarfer ar Fwndeli os oes angen.

Cysylltwch â ni os bydd angen unrhyw gymorth arnoch neu os oes gennych unrhyw gwestiwn trefniadol cyffredinol ynghylch gwrandawriad a fynychir (a elwir hefyd yn 'wrandawriad llafar'). Gellir gwneud hyn drwy ffonio 0300 456 4600, yn ysgrifenedig (ond nid lle mae angen gwneud cais ffurfiol, er enghraifft gofyn i newid dyddiad y gwrandawriad), neu drwy ffacs neu e-bost fel y nodir yn ein llythyr eglurhaol.

Os ydych chi'n anfon ffacs y mae angen rhoi sylw iddo **yn syth**, ffoniwch y staff Rhestru ac Apeliadau i ddechrau i ddweud wrthynt eich bod wedi anfon ffacs brys iawn.

Mae'r staff Rhestru ac Apeliadau yn rhoi cefnogaeth weinyddol i'r Llys Gwarchod ond nid ydynt yn cael rhoi cyngor cyfreithiol. Os oes angen cyngor cyfreithiol arnoch chi, cysylltwch â chyfreithiwr.

Pan fyddwch yn cysylltu â ni, cofiwch roi'r cyfeirnod llawn a roddwyd yn ein llythyr eglurhaol e.e. L&A/FTG/11234567-02, enw'r sawl y mae'r cais yn ymwneud ag ef a dyddiad y gwrandawriad. Bydd hyn yn ein helpu ni i ddelio'n brydlon â'ch cwestiwn.

Os nad ydych yn cael eich cynrychioli (h.y. nid oes gennych gyfreithiwr yn eich helpu) a chithau'n bryderus am fynd i'r Llys ar eich pen eich hun, gallwn ddarparu taflen ichi gan yr Uned Cymorth Personol (PSU) a fydd o gymorth efallai. Gellir cysylltu â'r Uned Cymorth Personol ar 020 7947 7737. Ni chaiff cynrychiolwyr yr Uned roi cyngor cyfreithiol ond gallant roi arweiniad ymarferol ichi a gallant fynychu'r llys gyda chi. Gallwch hefyd ofyn am gyngor cyffredinol gan Cyngor ar Bopeth ar 0844 856 3534.

Dod i wrandawriad yn y Llys Gwarchod yn Llundain

Cwestiynau Cyffredin

C1. Beth yw 'Cyflwyno'?

- A1. Chi yw'r 'Ceisydd' os gwnaethoch y cais gwreiddiol i'r Llys. I gydymffurfio â'r Ddeddf Galluedd Meddyliol a Rheolau'r Llys, rhaid i chi ddweud wrth yr unigolyn (y mae'r cais yn cyfeirio ato) am y gwrandawriad cyn pen 21 diwrnod i dderbyn hysbysiad o'r gwrandawriad, a lle y bo'n ymarferol, o leiaf 14 diwrnod cyn dyddiad y gwrandawriad. Dyma'r amserlenni arferol ar gyfer cyflwyno. Os byddwch yn cael Gorchymyn Llys **gweler C3 isod** efallai y bydd yn pennu amserlenni neu ddulliau gwahanol ar gyfer cyflwyno a dylech gydymffurfio â'r cyfarwyddiadau yn y Gorchymyn hwnnw.

Dylech ddefnyddio ffurflen COP14 'Achos yn eich cylch chi yn y Llys' i hysbysu'r unigolyn am y gwrandawriad ac wedyn llenwi a dychwelyd ffurflen COP20A 'Tystysgrif Cyflwyno/Dim Cyflwyno' i'r adran Rhestru ac Apeliadau. Mae'r ffurflenni hyn ac arweiniad ar gael ar ein gwefan www.gov.uk

C2. Beth os na allaf gyflwyno i'r unigolyn mewn pryd?

- A2. Rydym yn cydnabod bod amgylchiadau yn codi weithiau lle na fydd modd ichi gyflwyno i'r unigolyn (y mae'r cais yn ymwneud ag ef) mewn pryd. Os digwydd hyn, gwnewch yn siŵr eich bod yn nodi'r glir ar unrhyw ffurflenni cyflwyno/hysbysu y dyddiad y cafodd y cyflwyno/hysbysu ei wneud.

C3. Beth ydy Gorchymyn Cyfarwyddiadau?

- A3. Cyn unrhyw wrandawriad, efallai y bydd y Barnwr yn cyhoeddi Gorchymyn Cyfarwyddiadau a fydd efallai yn gofyn ichi ddarparu gwybodaeth benodol, er enghraifft ar ffurf datganiad. Efallai y gofynnir i chi 'ffeilio' dogfennau penodol yn y Llys - mae hyn yn golygu y bydd yn rhaid ichi eu hanfon i'r Llys o fewn yr amser a nodir neu cyn gynted â phosibl. (Gweler y nodiadau uchod am gysylltu â ni)

C4. Beth fydd yn digwydd yn y gwrandawriad?

- A4. Bydd y gwrandawriad yn cael ei gynnal mewn ystafell llys. Bydd offer yn yr ystafell i gofnodi'r dystiolaeth sy'n cael ei rhoi. Bydd y Barnwr yn cynnal y gwrandawriad ac yn gwrando ar safbwyntiau'r holl bartion neu eu cynrychiolwyr. Atgoffir y partion fod y Llys Gwarchod yn rhan o'r Uchel Lys a disgwylir i bawb sy'n mynychu ymddwyn yn barchus tuag at staff, barnwyr ac at ei gilydd.

C5. Alla i ddim dod ar y dyddiad sydd wedi'i bennu ar gyfer y Gwrandawriad - A oes modd gohirio/dadrestru'r Gwrandawriad?

- A5. Os nad oes dim dewis ond i ofyn am ohirio/ ailrestru neu ddadrestru gwrandawriad, **rhaid** gwneud cais ffurfiol i'r Llys ar ffurflen COP9 sydd ar gael ar wefan y Llys www.gov.uk. Dylech nodi'r rhesymau'n glir ac un ai cael caniatâd pob parti neu eu hysbysu am eich cais. Bydd eich cais yn cael ei gyflwyno i Farnwr i'w ystyried.

Mae amser barnwrol yn gyfyngedig iawn a DIM OND y Barnwr all ganiatáu i wrandawriad gael ei ohirio/ddadrestru/ailrestru.

Os bydd y Barnwr yn cytuno i'r gwrandawriad gael ei gynnal ar ddyddiad gwahanol, cewch wybod hynny gan aelod o staff yr adran Rhestru ac Apeliadau.

C6. A oes unrhyw ffioedd neu gostau ar gyfer Gwrandawiadau?

- A6 Oes – mae ffi gwrandawriad ar hyn o bryd yn £500.

Darllenwch ein llyfryn Ffioedd EX160 sydd ar gael ar wefan y Llys www.gov.uk. Mae'r llyfryn hefyd yn dweud wrthyfych chi beth i'w wneud os na allwch fforddio talu rhan neu'r cyfan o'r ffi.

RHAID i geisiadau am ddogfennau mewn cysylltiad ac achosion llys gael eu gwneud gan ddefnyddio ffurflen gais COP9. Mae'r Llys yn codi ffi copi o ddogfen o £5 y copi.

C7. Pwy ydy'r Cyfreithiwr Swyddogol?

- A7. Mae'r Cyfreithiwr Swyddogol yn gweithredu ar ran pobl nad ydynt, oherwydd eu diffyg galluedd meddyliol ac oherwydd na allant ofalu am eu materion eu hunain yn iawn, yn gallu cynrychioli'u hunain ac nad oes dim unigolyn addas arall nac asiantaeth yn gallu nac yn fodlon gweithredu ar eu rhan. Mae fel arfer yn dod yn gysylltiedig â'r achos yn ffurfiol pan gaiff ei benodi gan y Llys a gall weithredu fel ei gyfreithiwr ei hun, neu gyfarwyddo ffyrn breifat o gyfreithwyr i weithredu ar ei ran.

Mae rhagor o wybodaeth ar gael yn www.justice.gov.uk/about/ospt.htm

Os yw'r sawl y mae'r cais yn cyfeirio ato i'w gynrychioli gan y Cyfreithiwr Swyddogol, rhaid i'r Ceisydd gyflwyno i'r Cyfreithiwr Swyddogol **yn syth** gopïau o'r cais a'r dystiolaeth ategol, a gadael iddo gael copïau o unrhyw dystiolaeth arall a fydd yn cael ei ffeilio yn ddiweddarach. Ei gyfeiriad yw Victory House, 30-34 Kingsway Llundain, WC2B 6EX, DX:141423 Bloomsbury 7).

C8. Beth ydy Bwndel?

- A8 Oni chyfarwyddir fel arall gan y Llys, mae bwndel yn cael ei baratoi gan y Ceisydd. Rhaid ffeilio'r bwndel yn unol â Chyfarwyddyd Ymarfer 13B, www.judiciary.gov.uk. Y cyfan ydy'r bwndel ydy rhestr o ddogfennau sy'n berthnasol i'r gwrandawriad wedi'u tudalennu ac sy'n cynnwys mynegai. Dylai'r papurau gael eu gosod mewn trefn gronolegol o du blaen y bwndel a'u rhannu'n adrannau ar wahân (gyda

phob adran yn cael ei thudalennu ar wahân. Os oes modd, dylai **POB** parti gytuno ar y cynnwys. Rhaid rhoi'r bwndel mewn un neu fwy o ffeiliau modrwy maint A4 neu ffeiliau lever arch. Rhaid anfon pob bwndel sydd wedi'i gwblhau at y Tîm Rhestru ac Apeliadau a dylid ei gyflwyno gerbron y Llys **o leiaf tri diwrnod gwaith** cyn y gwrandawriad neu ar amser arall a bennir gan y Barnwr. Ymhellach i baragraff 12 o'r cyfarwyddyd ymarfer, oni chydymffurfir efallai y bydd y barnwr yn tynnu'r achos oddi ar y rhestr neu yn rhoi'r achos yn is i lawr ar y rhestr a gall hefyd arwain at orchymyn 'costau a wastraffwyd' yn unol â CPR Rhan 48.7 neu at orchymyn costau arall anffafriol.

Marcwch unrhyw fwndel at sylw brys yr Adran Rhestru ac Apeliadau. Ni ellir derbyn bwndeli trwy ffacs nac e-bost**

C.9 Sut mae trefnu Gwrandawriad Cynhadledd dros y Ffôn?

- A9. Os bydd y Llys yn dweud y dylai'r gwrandawriad gael ei gynnal dros y ffôn, cyfrifoldeb y Ceisydd NEU'R Gwrthwynebydd (y sawl sy'n gwrthwynebu'r cais) yw trefnu a llogi'r gwrandawriad ffôn gyda naill ai BT neu wasanaethau cynadledda Legal Connect.

Cysylltwch naill ai â Gwasanaethau Cynadledda BT ar 0800 0284194 neu Legal Connect ar 0800 953 0405

Bydd angen ichi gael rhif ffôn uniongyrchol yr **HOLL** bartïon.

Bydd angen rhif ffôn y Llys arnoch chi – rhif ein cownter cyhoeddus fydd hwn 020 7071 5712/5714.

Bydd angen ichi anfon cadarnhad o'r llogi atom o leiaf **2 ddiwrnod** cyn y gwrandawriad.

Q10. Sut mae cyrraedd y Llys?

A10. Ein cyfeiriad ydy Court of Protection, First Avenue House, 42-49 High Holburn, Llundain WC1V 6NP

National Rail

Y gorsafoedd trên agosaf ydy Charing Cross a City Thames Link Rail, Kings Cross ac Euston.

Tanddaear

Y gorsafoedd tanddaear agosaf ydy Holborn ar gangen Central a changen Piccadilly a Chancery Lane ar gangen Central.

Bws

Mae'r bysiau rhif 8, 25, 242, 341 a 521 yn stopio y tu allan i First Avenue House. Ewch i www.tfl.gov.uk i gael gwybodaeth fanylach am deithio.

Car

Yn anffodus, does dim parcio ar gael yn First Avenue House.

Mae'r maes parcio agosaf yn New Court, Carey Street, a hefyd yn Drury Lane, Holborn a Shoe Lane.

Os oes gennych ofynion yn gysylltiedig ag anabledd, cysylltwch â'n Derbynfya ar y Cownter Cyhoeddus ar 020 7071 5712/5714.